
БАҒДОД ТУМАНИ ҲОКИМЛИГИ АХБОРОТ ХИЗМАТИНИНГ РАСМИЙ БИЛДИРИШИ

Айрим ижтимоий тармоқларда “Давлат мулки бўлган бетон тўсиқлар талон-тарож этилмоқда” сарлавҳаси остида тарқатилиб, бу воқеълик Бағдод тумани ҳудудида амалга оширилаётгани иддао қилинган видеолавҳа хусусида қўйидагиларни маълум қиласиз:

Учкўприк ва Бағдод туманлари ўзаро туташган ҳудудда (4R 112 йўлининг 289 километри) Қўқон чамаси икки ой аввал автомобилларга суюлтирилган газ қўйиш станцияси янгидан қурилиб, фойдаланишга топширилди. Бунгача катта йўл четида турган 7-8 дона бетон тўсиқларга эҳтиёж қолмади энди ва улар Янгиқўрғон ариғи ёқасига жамлаб қўйилди. Шу ариқнинг “лаби”да Кудратжон Муртазоев бошқарувида бўлган “Муртазоев” оиласвий корхонаси тасарруфидаги “Жар” чойхонаси фаолият юритади ва янги қўшнилар томонидан суриб ташланган бетон тўсиқлар чойхона хуснини бузди. Атрофдан тароват, бағдодлик тадбиркордан эса халоват қочди...



Аслида, Қудратжон Муртазоев карантин давридан самарали фойдаланиб, Янгиқўрғон ариғи соҳилларини тартибга келтириш, чиқиндилардан тозалаш, теварак-атрофни ободонлаштиришни бошлаган эди. Шу мақсадда, 150 м³ бетон ишлари бажарилиб, бунинг учун тадбиркорнинг шахсий маблағларидан 52 млн. сўм сарфланди. Ва ниҳоят, “кераксиз” бетон тўсиқлар эҳтиёткорлик билан олиниб, автомобиллар билан боғлиқ турли кўнгилсиз ҳодисаларнинг олдини олиш мақсадида,

Яңгиқүрғон ариғи ёқасига териб қўйилди.



3 / 4

Ушбу ҳолат бўйича Фарғона йўллардан фойдаланиш унитар корхонаси бўлим бошлиғи Азизхон Қосимов билан телефон орқали боғланиб, шундай изоҳ олдик:

- Ҳақиқатан ҳам, сиз айтаётган манзилда йўл тўсиқ бетонлари ўз ўрнидан кўчирилган ва ҳозирда улар Янгиқўрғон ариғи қирғоғига, техника хавфсизлиги қоидаларига тўла мос равишда ўрнатилган. Давлат мулкига ҳеч қандай зарар етказилмаган ва бу бўйича бизда мутлақо эътиroz йўқ. Аксинча, тадбиркорга (Қ. Муртазоевни назарда тутяпти - изоҳлар бизники) алоҳида раҳмат айтмоқчимизки, ўша бетонларни авайлаб-асраб, ўз маблағлари ҳисобидан (200 минг сўм харжланган) бошқа жойга кўчириб ўрнатгани учун, - деди мутасадди идора вакили.



А. Қосимовнинг қисқача изоҳи муаммога батамом аниқлик киритди. Демакки, иддао қилинганидек, давлат мулки бўлган бетон тўсиқлар талон-тарож қилинмаяпти ва аноним тарзда эълон қилинган видеоматериал нохолис тайёрланган. Энг ачинарлиси, асослантирилмаган ушбу мурожаат тадбиркорнинг фаол саъй-ҳаракатларига, эзгу ташабbusларига соя солмоқда. Сўзимиз якунида, мавлоно Румийнинг ушбу ҳикматини ёдга олдик:

“Ё бир йўл топ. Ё бир йўл оч. Ё йўлдан қоч!..”

2020-06-01 18:21:37